

一事權等情。該廳據呈。昨已嚴飭潮梅各屬知事一體遵照矣。

### 委任瓊崖道尹

莫督軍翟省長委國會議員饒美裳為瓊崖道尹文云。為委任事。照得瓊崖匪風猖獗。黃統領明堂。應即專辦勦匪事宜。毋庸兼任道尹。以專責成。所遺道尹一職。茲查饒美裳堪以接署。除分令該統領外。合行令委該員。即便遵照。尅日前往接署具報。此令署理瓊崖道尹饒美裳。

### 田承斌以賭款潤屋

近有自西省到粵者言。前廣東財政長田承斌。自卸職後。即赴桂林。現在此間建有大洋樓一所。頗優游自得。田在粵任時。收受番攤案公禮逾數十萬。為陸榮廷查出。故被撤任。田返桂後。始終不敢赴粵謁陸。即是此故云。

### 敵僑設立之學校准予停閉

軍政府處置敵僑財產辦法。早經規定章程。令飭執行。中德中學校實在取締之列。現該校員生。聯請省長保存。准免停閉。翟省長據此。當以該校成立多年。經部立案。歷屆畢業。成績頗著。現經派員查明。署理教授。均尚認真。茲為維持學務計。已即轉咨軍政府外交內政兩部核明辦理云。

### 通令專門以上學校提倡武術

省長公署現准教育部咨開。案查全國專門以上學校校長。會議議決。將中國固有武術。請由部通令全國專門以上學校。方為提倡一案。本部覆核尚屬可探。應由各專門以上學校注意提倡。將中國固有武術。作為課

外運動之一種。藉以實施鍛鍊發展體育。除分行外。相應咨請貴省長查照。轉飭各校遵照辦理云。

### 攤館設煙招妓為警察拘捕

東堤大銀牌館。近因賭徒無資可賭。門庭冷落。乃妙想天開。暗設烟局。加之呼妓招待。以廣招徠。事為警探所悉。於某夕。特派游擊隊二十餘名。將廣大攤館包圍。當場提獲男子三人。婦人一口。登即帶返警廳訊辦。

### 訂造程璧光像

故海軍總長程公璧光銅像。前經託伍朝樞往巴黎訂造。茲程公紀念籌備會。接伍來電云。經在法京雷那公司。擬價法幣八萬佛郎。像高度十三英尺零五限。以六個月至八個月鑄成。已由籌備會諸人如數匯去。計本年年底。該像可以運回安建矣。又程公殉國記一書。早經編就付梓。聞全書所記程公歷史甚詳。都六萬言。插圖五十餘幅。月內出版。程公身後事。以鑄像編史為重要。茲兩事已就緒。不特程公個人之榮。亦為吾粵歷史。上增許多彩色也。

### 警廳捉皮條婆

為佈告事。照得婦女秘密賣淫。私營醜業。最為風俗之害。迭經佈告嚴密。擊辦在案。乃此風仍未淨絕。固由女德之衰落。實由媒合人（即俗稱皮條婆）為之勾引撮合。遂入迷途而不能自拔。若非嚴拿媒合人。從重懲辦。實不足以清本源而維風化。嗣後凡有當場報警拿獲媒合人一名。解案訊明。證據確鑿者。即由本廳給賞花紅銀五十元。以示鼓勵。除分令所